

感動 香江人物

環保 兵團

貓哥出錢出力 自組清潔隊

上山下海 執靚香港

疫情下，當你行上山叫嘍氣時，他們卻在山上執得身水身汗。不是執金，也不是執寶，他們默默地通山執垃圾。「周圍都係垃圾，叫我咪去執囉！」帶隊的「垃圾佬」說。他們有個名堂，叫「上山下海執垃圾」團隊。他們有個使命：執番靚山頭，執番靚香港。他們在網上自發組織，三四個一組，每星期起碼執三次。他們是環保戰士義務執垃圾，已經執了兩年，合共出動超過一千次，收集了逾萬袋垃圾。他們的發起人，是個兩年幾前才退休的救護員，以前救人，現在救港。人人都叫他做貓哥！

大公報記者
關據鈞(文) 文浩(圖)
上山下海執垃圾Fb圖片

風災之後……

群組號召 一周執三次

洗力求，人稱貓哥，自小熱愛戶外運動。「我細細個就周圍玩，曬到黑晒，露營、獨木舟、行山，乜都鍾意玩。前幾年，天鴿吹完香港，嘩，周圍都係垃圾，叫我咪去執囉！」貓哥說的「天鴿」，在二〇一七年八月橫掃珠江口，香港掛起十號風球，港、澳和珠海都有風災。

災後，貓哥和行山友一起上山下海清理垃圾，居然「執上癮」。「我(退休前)做救護員，以前係兩柴，救護車主管。我五十五歲退休，生日前一日就係最後一日上班。退休嘅日，即係我生日，四月二十六日，我就開咗個「Facebook」，叫人「齊執垃圾」。

開開心心執 執完拾落山

執垃圾也不是一件易事，貓哥說，到偏遠地方執，要扒獨木舟入去，用獨木舟載走，「真係，多一隻獨木舟，就可以執多啲垃圾。要人多先至得。」在朋友鼓勵下，他開設Facebook群組「上山下海執垃圾 GoGo Clean Up」，呼籲熱心人加入「齊執」。結果，他們組織起一支清潔生力軍。

每次執垃圾前，大隊可有定下指標？「無呀！大家開開心心執垃圾，你執一個膠樽又係執，執一大包又係執。唔緊要嘅，即係你執走一個樽，環境就少咗一件垃圾，係咪呀？」沒有壓力，沒有指標，貓哥執得爽快。

目前「上山下海」群組的成員，每周至少三次出動，執靚香港郊野。雖說沒有壓力，卻不是沒有困難。「走上山頭野嶺已不容易，垃圾又多又大件又重，執完要帶落山，難上加難！」

▲貓哥擔心，隊員受傷，處所舊舊魚網，最易搵傷手指

貓哥 **小檔案**
● 退休救護員
● 推動「上山下海執垃圾」活動，義務清理郊野及海岸的垃圾

唔係玩玩吓！ 不求回報 不怨垃圾蟲

二〇一八年四月二十六日，是貓哥生日，亦是「上山下海執垃圾 GoGo Clean Up」群組誕生的日子。群組一開，不斷有人加入，現時已有大約四千名成員。群組人多勢眾，管理員亦由貓哥獨力頂住，發展到今日三十人擔當，「起初得我一個帶隊，家陣唔少管理員都能夠帶隊。」貓哥說。

唯一計算執了多少袋？

香港人，什麼都要計算，讀書要「睇成績」，投資要「求回報」，拍拖要「搵筍盤」。貓哥執垃圾兩年幾，從不求回報。「好多人好有公德心，繼續在郊野亂掉垃圾，但係我唔會計較呢啲。」

「要計，不如計下今日執咗幾多袋垃圾仲好！」

「我以前份工係要睇車，每次都要將數據入Excel，出報告同計數。我而家都要計數呀，每次出隊都影相，計返執咗幾多袋，即係香港郊外少咗幾多袋垃圾。」

「唔好怪責人丟垃圾，你咁說，就永遠唔會做，只去怪責人。」

「我哋執得一袋得一袋，唔好話咁多，諗得嘍都執多袋，環境就乾淨啲。」


健碩的貓哥也有大男人細心一面。跟着貓哥帶隊到石澳執垃圾，他建議隊員執簡單的垃圾，例如石縫間的膠水樽等，他自己就處理舊魚網，因為舊魚網通常又大又重，更有很多魚

買定水果 執完好分享

沒有經費，他們只會用最簡單的工具「開工」，用食物夾夾走石縫中的垃圾，用剪刀和小鋸將魚網「斬件」。「我得退休佢，唔係好，海邊多鹹氣，電動工具好快壞了。我哋成日出隊，唔會有錢買。」貓哥雖然夠鐘退了休，但仍未夠六十五歲，去「開工」都要支付全額車費，也是一種負擔。不過他卻不會死怪，每次出動都會買些水果與隊友分享，「錢唔多，都係大家開心吓，有啲水分甜甜啲。」

救護員出身的洗力求，「我唔想退休後，日日唔知做乜，執吓垃圾，起碼其他人嚟玩，影相靚，玩得開心啲。」這正是他能夠堅持的動力。

「執得一袋得一袋，唔好諗咁多，諗得嚟都執多一袋，環境就乾淨啲。」



平平安安收隊 開枝散葉 一直執下去

「疫情將我哋打散，都好呀，而家唔止我一個帶隊，周末可以同時分為三、四隊。」上山下海執垃圾一團隊已逐漸上軌道，參加者愈來愈多，貓哥卻說不想停下來，希望能夠繼續開枝散葉。「我希望，當我將來死咗，佢哋都繼續帶隊執垃圾。我實會死，但精神唔好死。」他堅定地說，不似說笑。

安全第一 不想有人受傷

團隊目前只以Facebook群組組織，不容易收捐款，有隊友提議申請成為慈善組織。不過，申請做慈善機構就要製備文件，貓哥正與Facebook管理員商量，如何平衡實務工作及兼顧行政工作。貓哥又特別注重安全，「我以前做救護員，所以一定唔想有人受傷。我成日話，慢慢嚟，要小心，唔好受傷，特別係(小心)啲魚網，有好多魚鈎。」所以，無論是否由他帶隊，他都希望人人平平安安收隊。

「唔使急呀！你睇吓啲浪，啲垃圾又排住隊到。」這是貓哥執垃圾時，最常掛在口邊的話。下次當你郊遊時，讚嘆大自然的瑰麗時，還要感謝貓哥和隊員，上山下海執靚香港。



▲貓哥唯一要計算，就是執了多少袋垃圾

感動點播

《冬季不下雪》
劉德華

有一天空氣需要花錢
隨便的呼吸實在有一點危險
就像你現在喝礦泉水
一罐就賣給你拾元
你是否慚愧
在不小心的時候種下地雷
傷害了這一切



▲藏在石縫中的垃圾，要用食物夾夾住



▲執垃圾不是一件易事，執完要帶落山，難上加難



▲「上山下海」群組的成員，每周至少出動三次